



SA EXAM PAPERS

**YOUR LEADING PAST YEAR EXAM PAPER
PORTAL**

Visit SA Exam Papers

www.saexam-papers.co.za



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

TSHIVENDA LUAMBO LWA HAYANI (HL)

BAMMBIRI LA U THOMA (P1)

2021

MARAGA: 70

TSHIFHINGA: Awara 2

Bammbiri ili li na masiatari a 14.

NDAELA NA MAFHUNGOTHANGELI

1. Bammbiri ili li na KHETHEKANYO THARU:

KHETHEKANYO YA A:	Tholokanyondivho	(30)
KHETHEKANYO YA B:	Manweledzo/Samari	(10)
KHETHEKANYO YA C:	Zwivhumbeo na milayo ya kushumisele kwa luambo	(30)
2. Vhalani ndaela DZOTHE nga vhuronwane.
3. Fhindulani mbudziso DZOTHE.
4. Thomani KHETHEKANYO INWE na INWE kha siatari LISWA.
5. Hune KHETHEKANYO INWE na INWE ya fhelela hone ni talele.
6. Nomborani phindulo dzanu zwi tshi anana na kunomborelwe kwo shumiswaho kha ili bammbiri la mbudziso.
7. Ni tshi fhedza u fhindula mbudziso INWE na INWE ni pfuke mutaladzi.
8. Ni dzhiele nzhele mupeleto na kufhatelwe kwa mafhungo.
9. Tshifhinga tsho anganyiwaho:

KHETHEKANYO YA A:	Minetse ya 50
KHETHEKANYO YA B:	Minetse ya 30
KHETHEKANYO YA C:	Minetse ya 40
10. Nwalani nga vhudele, nahone zwi no vhalea.

KHETHEKANYO YA A: THOLOKANYONDIVHO**MBUDZISO YA 1: U VHALA U ITELÀ THALUTSHEDZO NA U PFEESA**

Vhalani TSHIBVELEDZWA TSHA A na TSHA B uri ni do kona u fhindula mbudziso dzo disendekaho khazwo.

TSHIBVELEDZWA TSHA A**TSHANDUKO YA KILIMA**

- 1 Lifhasi lothe lo livhana na dada la tshanduko ya kilima. Musi hu tshi vha na mi^langano ya vharangaphanda, dada ili kha adzhenda li ri a thi taiwi. Muhumbulo ndi wa u tsivhudza vhathu u tutshela kule na zwivhangi zwa tshanduko ya kilima. Musi vha tshi amba ili fhungo, vharangaphanda zwi vha fara thaha vha dzungudza na thoho nga u humbula uri khuvhani vho welwa 5 nga nndu na tshitanga – hu de ndala, he dora. Vha mashango o shayaho vha tou tekateka na u gomela ngauri vha tou zwi divha vha zwi fhedza uri ndi vhone zwipondwa zwi hulwane.
- 2 Vhadivhi vha sola u anda ha vhathu shangoni ngauri vha ri zwi disa u shanduka ha kilima. Arali vhathu vha dalesa shangoni zwi ita uri fhethu he ha vha hu sa dzulwi hu vho fhatiwa hone. Zwa vhuya zwa ralo ri wana fhethu he ha vha hu maroroma na zwisima hu tshi vho thoma u oma. Ha vhuya ha ralo, muyamufhe une ra diphi^lna ngawo musi ro dzula mirunzini li tshi fhisa a ri tsha do dovha ra u wana nga nthani ha mufhiso wo kalulesaho u sa kondeleleliho zwe bveledzwa nga hone u anda ha lushaka. 10 15
- 3 Tshanduko ya kilima i disa masiandaitwa a si avhu^ldi musi ro zwi livhanya na nyaluwo ya ikonomi ya shango. Mishumo i a thoma u fhela, vhathu vha thoma u tambula. Vhorabulasi a ri tsha amba, zwifubo zwavho na zwiliwa zwi tou fa vho lavhelesa. Zwi do kundwa ngani u ralo ngauri hu vha hu si na pfulo na madi; thambulo iyo i di pfukelavho na kha vhone vhathu. 20
- 4 Mutakalo wa zwe the zwi tshilaho na wone u vha u songo tsireledzea nga nthani ha yeneyi tshanduko ya kilima. Vhutshilo vhu a thoma u lemela hu tshi vho taha na malwadze a sa fheli kha lushaka ane a vhangwa nga u shaea ha zwiliwa zwa pfushi. Hezwi zwi dovha hafhu zwa disa dandetande li sa tanduluwi na kha zwi tshilaho madini sa vhongwe^lna vhokhovhe na 25 zwi^lnevho. Ndi hune wa wana zwe sokou phirimela thopheni ngeno zwi^lwe zwi tshi khou dakaila, lufu lwo zwi adamela.

- 5 Afha dakani hone phukha dzi tshilaho nga zwimela, na dzone dzi vhonala dzi tshi khou gwandama miṭavhani musi hatsi vhu tshi ndi bva vhubvo, nga nthani ha uri na zwone zwimela zwo kwamea nga wone mufhiso na u oma ha shango. Kha idzi dzi tshilaho nga ḥama dzone dzo thusalea lwa tshifhinga tshi si tshilapfu vhunga dzi tshi khou tshila nga dzo gwadamaho dzo ruđa mato. Khakhathi i vha kha u todou dzimula ḫora, zwe vhutoto ngauri na one mađi a vho konda u wanala. Vħazwimi vhone a vha tsha zwima ngauri vha ḫivha uri ḥama ya hone na yone i vha i sa tsha lea. 30 35
- 6 Ndi vhuđifhinduleli ha lushaka u shandukisa kuhumbulele musi zwi tshi yelana nā u tshinyadza mupo une ra wana vhutshilo khawo. Mathukhwi ane ra a kumbela kha bwelwe fhasi madzuloni a u a fhisa nga mulilo ngauri mutsi musi u tshi duba u ya henengei luvhembanī lwa ozounu lune lwa ri tsireledza kha mufhiso wo kalulaho. Hezwi musi mvula dzi tshi na hu mbo di vha na mikumbululo ya mavu a re na pfushi dza zwimela zwine ra tshila ngazwo. Na ngei mamaganivho mahulwane hu tea u vha na ndila dzo khwinifhadzwaho dza u fhungudza tshikafhadzo ya wone mupo washu. 40 45
- 7 Zwikoloni muvhuso u tea u vhone uri hu vhe na thero dzine dza disendeka kha tshanduko ya kilima dzine dza nga gudisa vhana u ḫogomela mupo. Ha vha na iyo pfunzo zwi do ita uri vhana musi vha mahayani vha pfumbudze lushaka lwashu. Hezwi zwithu zwi nga kona u thivhela dada ili hu sa athu u hoṭefhadzwa vhatu na shango lothe u ya he la ya. 50
- 8 Vharangaphanda vha shango na vhone a vha tei u sokou ri 'ndi malilele atsho tshiñoni,' hu si na nyito i no sumbedza uri vha khou lwa na u tshikafhadzwa ha mupo zwine zwa vhanga tshanduko ya kilima. Milayo kha i sikiwe ine ya do thusa u thivhela ili dada. Vhane vha pfuka mulayo vha tewa nga u newa thamu i vhavhaho ya u vha nyambudza, hu u itela u lamulela shango lashu. 55
- 9 Madzhango na onevho kha ime othe nga milenzhe u lwa na tshikafhadzo ya mupo ine ya khou vhanga tshanduko ya kilima ine nga nthani hayo a ri tsha ḫivha na uri khalañwaha nkene i thoma lini ya fhela lini. Zwa sa ralo, vhađuhulu na vhađuhulwana vha do tou vhala kha bugu dza ḫivhazwakale uri shango lo vha lo naka nahone lo dalafhala. Kha ri ite zwa mudoba mbula sia magaga, vha murahu vha wane-vho. 60
- 10 Vha hashu ri a fhela ro sedza naa? Vhavenda vhe khangala ruđa mato vuluvulu lo fa nga vhuhwawho. A hu na muniwe arali hu si riñe vhane ra nga disa tshanduko ya kilima yashu. 60

[Tshi bva kha: Thimu ya Vhatoli]

MBUDZISO: TSHIBVELEDZWA TSHA B



[Tshi bva kha <http://www.google.images>]

MBUDZISO: TSHIBVELEDZWA TSHA A

- 1.1 Vhalani phara ya 1.

Ndi tshini tshine tsha ita uri muñwali a vhilahela afha vhutshiloni zwi tshi livhana na iyi phara? (1)

- 1.2 Vhalani mitaladzi ya 4–6.

Ni vhona dzi dzifhio khombo dzine dza vhangwa nga nthani ha u shanduka ha kilima? Bulani ZWIVHILI. (2)

- 1.3 Vhalani phara ya 2.

U ya nga iyi phara, ndi mini zwine lushaka lwa tea u zwi thogomela u thivhela mufhiso wo bulwaho? Tikedzani phindulo yanu. (2)

- 1.4 No sedza mitaladzi ya u bva kha 16–19, sumbedzani zwithu ZWIVHILI zwine tshanduko ya kilima ya vha na thuthuwedzo khazwo fhano shangoni. (2)

- 1.5 Vhalani phara ya 4.

Talutshedzani ngoho ine muñwali a tama vhavhali vha tshi i dzhiela nzhele nga mafhungo aya. (2)

1.6 Nangani phindulo yoneyone kha mutevhe wo ḥekedzwaho afho fhasi.

Fhongo asili li wanaho kha mitaladzi ya u bva kha 49–51.

'Vharangaphanda vha shango ... zwine zwa vhanga tshanduko ya kilima.'

Nga ili fhongo muñwali u bvisela khagala muhumbulo wa uri vharangaphanda ...

- A kha hu vhe na zwine vha ita.
 - B kha vha sokou tenda tshi^{ŋoni} tshi tshi lila.
 - C vha nga si kone u thivhela tshikhafhadzo ya mupo.
 - D kha vha gude kha zwi^{ŋoni}.
- (1)

1.7 Kha mitaladzi ya u bva kha 58–59, hu na murero u tevhelaho:

'... mudoba mbula sia magaga, vha murahu vha wane-vho.'

Talutshedzani zwine muñwali a tama u zwi bvisela khagala nga uyu murero zwi tshi kwama mafhongo a iyi phara.

(2)

1.8 Vhalani phara ya 7:

U ya nga ha iyi phara, sumbedzani zwi khagala zwine Muhasho wa zwa Pfunzo na vhagudi vha tea u zwi dzhiela nzhele hu u itela u lwa na tshikafhadzo ya mupo. Bulani ZWIVHILI.

(2)

1.9 Vhalani mitaladzi ya u bva kha 51–53.

Ni a tendelana na na zwe muñwali a zwi ṭahisa kha iyi mitaladzi a tshi ri vhatu vha pfukaho mulayo vha tea u dzhielwa vhukando? Tikedzani nga mbuno MBILI.

(2)

1.10 U ya nga mafhongo e na vhala, ni vhona muñwali o swikelela ndivho yawe ya u tsivhudza vhatu zwi tshi kwama tshanduko ya kilima? Tikedzani phindulo yanu nga mbuno THARU.

(3)

MBUDZISO: TSHIBVELEDZWA TSHA B

1.11 No ṭalela tshifanyiso itshi, ni vhona i nyimele-đe ine muoli a khou i ṭana?

(1)

1.12 Ndi mini tshine tsha khwathisedza nyimele iyi yo ṭaniwaho afha tshifanyisoni itshi? Bulani ZWIVHILI fhedzi.

(2)

1.13 Ni tshi ṭathuvha nyimele ya itshi tshifanyiso, ni vhona vhudipfi ha muñe wa kholomō vhu vhufhio? Tikedzani phindulo yanu.

(2)

- 1.14 U ya nga kuvhonele kwaṇu, ni vhona hu tshi tea u itwa mini u lwa na iyi nyimele yo ḥaniwaho afho tshifanyisoni? Bulani ZWIRARU. (3)

MBUDZISO: TSHIBVELEDZWA TSHA A NA TSHA B

- 1.15 No sedza tshibveledzwa tsha A, phara 5 na tshibveledzwa tsha B, ndi vhufhio vhushaka vhune na nga ri vhu hone? Tikedzani phindulo yanu. (3)

THANGANYELO YA KHETHEKANYO YA A: 30

KHETHEKANYO YA B: MANWELEDZO/SAMARI**MBUDZISO YA 2: U NWELEDZA NGA MAIPFI ANU**

TSHIBVELEDZWA TSHA C tshi amba nga ha ndingo dza mushumo. Nweledzani nga maipfi anu ni tshi sumbedza zwine mutholiwa a tea u zwi ita musi a tshi dzenela ndingo dza mushumo.

THANYELANI: Ni lavhelelwa u ita zwi tevhelaho:

1. Nweledzani nga maipfi anu ni tshi sumbedza zwine zwa nga tevhelwa nga mutholiwa musi o dzenela ndingo dza mushumo.
2. Nwalani phara yo lunzhedzanaho tshidele, ni shumise maipfi anu.
3. Manweledzo anu a faredze mbuno dza SUMBE dici kha PHARA nga maipfi a sa fhiri 90.
4. **A ni lavhelelwi** u dzhenisa thoho ya manweledzo.
5. Sumbedzani tshivhalo tsha maipfi mafheloni a manweledzo anu.

TSHIBVELEDZWA TSHA C**NDINGO DZA MUSHUMO**

Ano maduvha zwithu a zwi tsha nga kale he muthu a vha a tshi tholwa nga basa kana nga u nanga tshibammbari. Muthu u tou ita khumbelo ya mushumo, a fhedza a ya a dzenela ndingo arali o vhidzwa.

Ndi zwa ndeme u ita tsedzuluso nga ha khamphani ye muthu a ita khayo khumbelo ya mushumo. Zwenezwo zwi thusa uri musi a tshi ya u ita ndingo dza mushumo u vha o no vha na ndivho nga hayo.

Kha lifhasi la namusi, muthu ane a khou ita ndingo dza mushumo u tea u vhudza mutholi uri u a kona u shuma fhasi ha nyimele iñwe na iñwe zwi tshi yelana na tshanduko ya tshifhinga na thodea dza khamphani.

Mutholiwa kha vhone zwi zwa ndeme u talutshedza mutholi nga ha mafulufulu ane a vha nao kha mushumo une a khou lingelwa wone. Vhunzhi ha vhatholi vha na dzangalelo kha muthu ane a nga bveledza khamphani.

Tshenzhemo ndi tshiriwe tsha zwiteriwa zwine mutholiwa a tea u zwi bvisela khagala phanda ha mutholi, vhunga mutholi a tshi todha muthu ane a vha na vhukoni vhune ha nga bveledza khamphani yawe.

U kona u shuma na vharewe vhathu ndi zwiwe zwa zwithu zwine mutholiwa a tea u zwi tana zwi khagala kha mutholi. Vhathu musi vhe mishumoni vha tea u farisana vhunga mihibulo ya vhathu vhanzhi i tshi vha na mvedziso yavhudi.

Mudzheneli wa ndingo kha sumbedze uri u tou vha masithesele kha mushumo une a khou lingelwa wone. Hezwi zwi nga takadza mutholi nga u vhona muthu uyo e na zwikili zwine zwa nga takula khamphani ha vho vha na mbuyelo ya zwibveledzwa.

U itela u takadza mutholi, mutholiwa kha sumbedze a dovhe a bvisele khagala uri ene u muthu ane a vha na ḫuṭhuwedzo khulwane. Iyi ḫuṭhuwedzo i ḫo thusa khamphani na vhaṇwe vhashumi uri vha shume vho takala vha tshi ḫiphiṇa. Hezwi zwi nga thusa khamphani kha u ḫat̄isana na dziṇwe khamphani dza maimo a n̄thesa.

Ndi ngoho, muthu a songo nyadza musi a tshi ya u dzhenela ndingo dza mushumo saizwi mutholi a tshi ḫoda mushumi ane a nga ḫisendeka ngae.

[Tshi bva kha: *Thimu ya Vhat̄oli*]

THANGANYELO YA KHETHEKANYO YA B: 10

**KHETHEKANYO YA C: ZWIVHUMBEO NA MILAYO YA KUSHUMISELE
KWA LUAMBO**

MBUDZISO YA 3: U SENGULUSA KHUNGEDZELO

Talelani TSHIBVELEDZWA TSHA D uri ni do kona u fhindula mbudziso dzo disendekaho khatsho.

TSHIBVELEDZWA TSHA D



Ahelelee, demokirasi yo dinēa maanda!
Honehone ha vha funaho u dimvumvusa.
Vha todaho u sia khofhe vhuedelo ndi phamuphamu.
Vha sa vhaledza tshifhinga tshi tshe hone zwo bala.
Ri tendela vha sa padī madana mavhili nga luthihi.
Luafhulelo ndi ida-u-vhone vhukati ha vhege.
Vhana vha fhasi ha miniwaha ya fumi vha tendelwa vha na vhabebi.
Ri wanala Dambeni henefha badani khulwane.
Kha vhadali a ri fhidzi duvha.
Vhane vha na dzangalelo la u divhesesa vhukwamani hashu ndi: 079 737 8357

[Tshi bva kha <http://www.google.images>]

3.1 No talela iyi khungedzelo, ni vhabona i tshi khou tu^{tu}wedza zwifhio? Bulani ZWIVHILI. (2)

3.2 Lifurase asili:

'... a ri fhidzi duvha.'

Ndi ufhio mulaedza une mukungedzeli a tama u u livhisia kha vhataleli vha iyi khungedzelo? (1)

3.3 Vhalani fhungo ili:

'Luafhulelo ndi ida-u-vhone vhukati ha vhege.'

U ya nga ha thekhiniki dza khungedzelo, ni vhabona luafhulelo lwo angaredza vhatu vho^{the} naa? Tikedzani phindulo yanu. (2)

3.4 Musi no talela iyi khungedzelo, neani thekhiniki ye mukungedzeli a i shaedza, ni dovhe ni sumbedze uri zwi nga kwama hani bindu lawe. (2)

3.5 Nangani phindulo yoneyone kha mutevhe wo nekedzwaho afho fhasi.

Afha fhethu hu tshi pfi ho dala hu vha hu na vhatu vha ...

- A 205.
- B 189.
- C 200.
- D 201.

(1)

3.6 U ya nga itshi tshifanyiso, ni vhabona i ngoho na uri demokirasi yo dine maanda kha lushaka lwa hashu? Tikedzani phindulo yanu. (2)


[10]

**MBUDZISO YA 4: U PFEESA ZWIŃWE ZWIBVELEDZWA ZWA
VHUDAVHIDZANI**

U SENGULUSA KHATHUNI

Talelani TSHIBVELEDZWA TSHA E uri ni do kona u fhindula mbudziso dzo disendekaho khatsho.

TSHIBVELEDZWA TSHA E



[Tshi bva kha <http://www.google.images>]

- 4.1 Musi no talela khathuni iyi nga u angaredza, ndi ifhio mikhwa/vhudifari vhune na nga vhu sasaladza? (2)

- 4.2 Talelani FUREME ya 2 na ya 3.

Talutshedzani phambano ine ya vha hone vhukati ha fureme idzi. (2)

- 4.3 Talelani FUREME ya 1 na ya 2.

Sumbedzani maitele a sa tanganedzei kha mvelele ya Tshivenda zwi tshi yelana na mbonalo ya muvhili i bveledzwaho nga nwana kha fureme idzi. Bulani ZWIVHILI fhedzi. (2)

- 4.4 Nangani phindulo yoneyone kha mutevhe wo nekedzwaho.
 Kha FUREME YA 3, hu na liambele asili:
 'Nwana wa mapfura ndevheni.'
 Nga ili liambele muoli u todou bvisela khagala muhumbulo wa uri riwana ...
 A wa ndevhe dzi no penya nga mapfura.
 B wa ndevhe dzo shelwaho mapfura.
 C a re na mikhwa yavhu di.
 D a no funwa nga makhulu. (1)
- 4.5 No sedza nyimele i wanalaho kha FUREME YA 2, ni vhona zwi zwifhio
 zwine zwa tea u itwa u vhuyedzedza mikhwa kha vhaswa? Bulani
 ZWIRARU. (3)
 [10]

MBUDZISO YA 5: KUSHUMISELE KWA LUAMBO NGA NDILA YONE

Vhalani TSHIBVELEDZWA TSHA F uri ni do kona u fhindula mbudziso dzo disendekaho khatsho.

TSHIBVELEDZWA TSHA F

MUTHU KHA PFE!

- 1 Tshedza ndi muthanga ane a tou vha mbiluni ya mu ne wawe. Tshine vha mu funela tshone ndi ndevhe dzawe dzenedzi dzo roredzwaho. Linwe duvha khotsi awe vho dzhena lufherani lwave vho fara kutemba kw e kwa vha kwo dala nga mashonzha. Vha dzula nae fhasi nge vha vha vhe na mafhungo nae. 'Muthu a tshi mala kana a tshi to da mufarisi u tea u vula mato.' Ndi vhone Vho Belemu khotsi a Tshedza zwenezwi vha tshi eletshedza murwa wavho. Ene a tshi pfa vha tshi ralo a sokou setshelela o kotamela na fhasi o niwa nga thoni. Nangoho Tshedza o wana musidzana wa vhuthu, thonifho, mafunda na u funa vhathu we vhabebi vhawé vha mu malela ene nga dzekiso. Afha-vho zwivhuya zwo tangana, Tshedza ndi munna wa muhaga a sa funi mufumakadzi wa u bvafha. Muselwa wawe a tshi vuwa, u lugisela vhathu zwiliwa zwa nga matsheloni. 5 10
- 2 Linwe duvha e kati na u bika khali ye a vha a tshi khou bika ngayo yo mbo di pwasha e, 'Mmaloo, ndo todou swa, namusi ri do nanzwa banga.' Tshedza u vhona mufumakadzi wawe a si tshe na tsha u bika ngatsho, a mu rengela inwe khali yo khwathaho. Mukalaha Vho Belemu a vho ngo takala zwone, vha tshi vhona muta wa Tshedza u tshi khou penya, vha amba nga hae a vha mili mare. Vha ri uyu ene a sala na ndaka yavho, zwi do vha takadza vha edela tshidele na vha matongoni. Musandiwa a tshi pfa vha tshi ralo a nzwinzwimadza tshifha tuwo nge a divha u ri khotsi 15 20 awe vho vhuya vha farwa nga mutsiko wa malofha nga nthani ha zwiito zwawe.

[Tshi bva kha: Thimu ya Vhatoli]

5.1 Vhalani mitaladzi wa 1.

Topolani ipfi \textcircumflex lo nwaliwaho \textcircumflex lo khakhea ni dovhe ni \textcircumflex li khakhulule. (2)

5.2 Kha mitaladzi ya 2–4, hu na dzina \textcircumflex lo tukufhadzwaho.

\textcircumflex Li topoleni ni dovhe ni sumbedze tshiitisi tsha iyi \textcircumflex thukufhadzo. (2)

5.3 Kha mitaladzi ya u bva kha wa 13–14, hu na \textcircumflex liaravhi.

\textcircumflex Li topoleni ni dovhe ni sumbedze na mushumo walo afho he \textcircumflex la shumiswa hone. (2)

5.4 Fhongo asili:

'Nangoho Tshedza o wana musidzana wa vhuthu, \textcircumflex thonifho, mafunda na u funa vhathu we vhabebi vhawe vha mu malela ene nga dzekiso.'

Bulani \textcircumflex likateli \textcircumflex li wanalaho fhungoni \textcircumflex ili ni dovhe ni \textcircumflex nee na \textcircumflex thalutshedzo yalo. (2)

5.5 Vhalani fhongo isili:

Tshedza ndi munna wa muhaga a sa funi mufumakadzi wa u bvafha.

Bulani lushaka lwa mbofho yo talelwaho nga fhasi, ni dovhe ni i ise \textcircumflex lifurase \textcircumflex ilo kha tshifhinga tsho fhelaho. (2)

[10]

THANGANYELO YA KHETHEKANYO YA C: 30
MARAGAGUTE: 70